

INUIT ATAQATIGIIT

Inatsisartuni



8. december 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Kræfti pillugu pilersaarutip 2013-imeersup nalilernerqarnerani ersarippoq ukkatarineqartariaqartoq pingaarutilik tassaasoq inuit saaffiginninneranniit nappaatip suussusersinissaanut piffissap atorineqartartup sivikillineqarnissaa.**
 - a. Naliliinermili ersinngilaq suliassap taassuma isumaginissaanut pilersaarut. Tamanna eqqorpa?**
 - b. Paasinnineq eqqorsimappat; pilersarusiuunneqarsimannginneranut suli pissutaava?**

- 2. Kræfti pillugu pilersaarutip 2013-imeersup nalilernerqarnerani atuarneqarsinnaavoq inuit qassit napparsimanerannut nalunaarsuinerit, journalimiittut, nalilersuinermi toqqammavigineqarsimasoq, ilaatigullu ersersitsisoq kræfteqarnerminnik toqquteqartartut Nunatsinni sooq taama amerlatiginerannut.**
 - a. Naliliinermut atatillugu misissuinermi napparsimasut toqqammavigineqartut tamatuma kingorna qanoq ingerlasimappat?**
 - b. Naalakkersuisut ilisimatitsissutigisinnaavat inuit misissuinermi toqqammavigineqartut peqqissillutik katsorsarneqarsimasut tamatuma kingorna qassit malinnaavigineqarnersut?**
 - c. Tamanna pisinnaangippat suna tamatumunnga pissutaava?**

- 3. Decemberip aallartinnerani tusagassiortunik katersortitsinermut atatillugu Peqqissutsimut Naalakkersuisoq oqaaseqarpoq inalukkamikkut erlummikkulluunniit kræfteqartutut pasineqartut misissorneqarnissaminnik utaqqisut Nunatsinni 500-it missaanniittut.**
 - a. Naalakkersuisut ilisimatitsissutigisinnaavaat Nunarput tamakkerlugu ataatsimut isigalugu kræfteqartutut pasineqartut misissorneqarnissaminnullu utaqqisut qassiunersut?**
 - b. Tamanna ilisimatitsissutigineqarsinnaangippat suna pissutaava?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Kræfti pillugu pilersaarutip 2013-meersup nalilersorneqarnera pisariaqartuuvoq pingaaruteqarlunilu. Nuannaarutissaavoq naliliineq taanna tunngavigalugu ukiuni sisamani tulliuttuni atugassat 8,5 mio. Kronit immikkoortinneqarmata, taamalu sinerissamut angalasartussanik pilersitsisoqassalluni utaqqisunik misissugassanillu suliasat ikilisinneqarnissaat siunertaralugu, pingaartumik inalukkatigut erlukkullu kræfteqartutut pasineqartut misissornissaat eqqarsaatigalugu.

Kissaatigivara apeqqutikka ullut suliffiusut qulit qaangiutinnginneranni akineqarnissaat.